



Kamis, 10 November 2022

Ogen: MARKUS 12:41-44



Dua Peser



India erkiteken litna sistem kasta si mempersulit posisi diberu, janah kemiskinan si mbelang jadi bas negri sungai Gangga, turah ukurna mbangun koperasi khusus man diberu si genduari enggo isahken jadi Bank Wanita India ntah pe Bharatia Mahila Bank. Ibas cataten sejarah Indonesia pe lit nge diberu-diberu hebat si ikut ngukurken perjuangan ekonomi, eme Halimah Purwana ras Tatih Kartakusuma si menjadi pelopor gerakan koperasi ras pemberdayaan perempuan i Jawa Barat. Janah duana contoh si ituriken idatas ibenaken alu modal awal yang kitik kel.

Dua peser e sada bilangen si kitik kal, bali ras istilah si rusur si begi tep-tep wari, *limper*. Limper e singkatan lima perak, si genduari lanai lit kai pe tertukur alu bilangen sen e. Tapi amin gia kitik bilangen sen 2 peser e, em akap Tuhan belinen asangkan sen galang persembahen kalak bayak. Engkai maka bage, perban lit unsur kiniteken bagepe upaya nggit erkorban i bas diberu balu-balu si musil ndai. Kiniteken e teridah arah ia sukarela mere persembahen man Tuhan amin gia bas ia pe la lit, e nari ngenca. Sebab tek ia maka Dibata pasti mpekena-kena ia. Pengorbanenna e tangkas teridah sebab ia la ngukurken dirina jine, lebihen asangkan sura-sura Tuhan. Menyenangkan hati Tuhan lebih baik walaupun terancam kelaparan.

Bageme pendilo i bas kita erpaksa teneng enda, i bas mperingeti Hari Persekutuan Perempuan Gereja Asia. Tanda partisipasinta guna perjuangan keadilan man kerina diberu ibelang-belang doni enda sipepulung me PERMUT (persekutuan mata uang terkecil). Asakai bilangen sen kitik, simulih ongkos ntah belanjata, ula kita lupa mpepulungsa alu semangat tek kita ipake Tuhan bilangen kitikta guna membangun solidaritas kaum perempuan i Asia.